

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
S A R A J E V O

I ZVJEŠTAJ O RADU
MINISTARSTVA UNUTRAŠNJIH POSLOVA
KANTONA SARAJEVO
ZA PERIOD JANUAR-DECEMBAR 2016. GODINE

Sarajevo, Januar 2017. godine

KRIMINALITET

Kriminalitet na području Kantona Sarajevo u 2016. godini u odnosu na 2015. godinu, posmatrano kroz statističke pokazatelje, karakteriše smanjenje broja registrovanih krivičnih djela za 14,7%, prijavljenih lica za 10,7%, povratnika u činjenju krivičnih djela za 19,4% i lica lišenih slobode za 24%. Ukupna rasvijetljenost krivičnih djela je iznosila 65,2% što je za 1% više u odnosu na prethodnu godinu.

Naime, registrovana su 4.733 krivična djela, što je za 818 djela ili 14,7% manje nego u 2015. godini.

U 1.853 slučaja (39,2% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 2.880 krivičnih djela (ili 60,8%), prijavljeno je po nepoznatom izvršiocu, od kojih je 1.235 naknadno rasvijetljeno (ili 42,9% od ukupnog broja prijavljenih djela po nepoznatom izvršiocu).

Ukupno je rasvijetljeno 3.088 krivičnih djela ili 65,2% što je za 1% više u odnosu na prethodnu godinu.

Za izvršenje navedenih djela prijavljena su 2.492 lica, od kojih su 1.504 povratnika u činjenju krivičnih djela (ili 60,4% prijavljenih), 74 maloljetnika, a 1.002 lica su lišena slobode (ili 40,2%).

U odnosu na 2015. godinu, manji je broj prijavljenih lica za 300 (ili 10,7%), povratnika za 363 (ili 19,4%) i lica lišenih slobode za 316 (ili 24%), dok je broj prijavljenih maloljetnika veći za dva (ili 2,8%).

Osnovni statistički pokazatelji kriminaliteta u 2016./15. godini

godina	Broj KD			Broj djela za koja su naknadno identifikovani osumnjičeni izvršioци		Broj prijavljenih lica			Lišeno slobode	
	Ukupno	od toga		Ukupno	od toga iz ranijeg period	Ukupno	od toga			
		po poznatom izvršiocu	po NN izvršiocu				maloljetnici	povratnici		
2016. godina	4.733	1.853	2.880	1.235	551	2.492	74	1.504	1.002	
2015. godina	5.551	1.853	3.698	1.710	690	2.792	72	1.867	1.318	
uporedba	+/-	-818	0	-818	-475	-139	-300	2	-363	-316
	%	-14,7%	isto	-22,1%	-27,8%	-20,1%	-10,7%	2,8%	-19,4%	-24,0%

Takođe zbog postojanja osnova sumnje da su počinili krivična djela u 2016. godini prijavljena su 22 strana državljana (12 manje) i 29 lica sa područja RS-a (dva više).

Uporedni pokazatelji kriminaliteta na području Kantona Sarajevo u 2016./15. godini prema glavama Krivičnog zakona FBiH-a i BiH-a

KRIVIČNA DJELA	2016. godina	2015. godina	uporedba br.KD		"rasvjetljenost" KD u 2016.godini	
			+ / -	%	br.KD	%
Protiv ustavnog poretka Federacije	0	1	-1	-100,0%	0	---
Protiv života i tijela	158	166	-8	-4,8%	155	98,1%
Protiv slobode i prava čovjeka i građanina	192	146	46	31,5%	185	96,4%
Protiv spolne slobode i morala	6	26	-20	-76,9%	6	100%
Protiv braka, porodice i mladeži	249	271	-22	-8,1%	249	100%
Protiv zdravlja ljudi	344	312	32	10,3%	344	100%
Protiv privrede, poslovanja i sigurnosti platnog prometa	22	10	12	120,0%	22	100%
Protiv radnih odnosa	1	1	0	0,0%	1	100%
Protiv imovine	3181	3.937	-756	-19,2%	1585	49,8%
Protiv okoliša, poljoprivrede i prirodnih dobara	7	13	-6	-46,2%	5	71,4%
Protiv opće sigurnosti ljudi i imovine	93	164	-71	-43,3%	59	63,4%
Protiv sigurnosti javnog prometa	102	89	13	14,6%	99	97,1%
Protiv pravosuđa	35	39	-4	-10,3%	42	120% ¹
Protiv javnog reda i pravnog prometa	236	249	-13	-5,2%	230	97,5%
Protiv podmićivanja i KD protiv službene i druge odgovorne dužnosti	17	16	1	6,3%	17	100%
Protiv sistema elektronske obrade podataka	1	1	0	0,0%	0	0%
Protiv privrede i jedinstva tržišta te krivična djela iz oblasti carina (KZBiH)	3	2	1	50,0%	3	100%
Protiv čovječnosti i vrijednosti zaštićenih međunarodnim pravom (KZBiH)	1	0	1	---	1	100%
Dogovor, pripremanje, udruživanje i organizirani kriminal (KZ BiH)	1	0	1	---	1	100%
ZONDINOIM-a Zakon o nabavljanju, držanju i nošenju oružja i municije (Sl.novine KS br.38/07)	84	108	-24	-22,2%	84	100%
UKUPNO	4.733	5.551	-818	-14,7%	3.088	65,2%

U toku 2016. godine prijavljeno je 158 krivičnih djela protiv života i tijela (osam djela manje u odnosu na 2015.godinu).

Zbog postojanja osnova sumnje da su počinili djela iz ove oblasti podneseni su službeni izvještaji protiv 176 lica, od kojih je 81 povratnik ili 46%, a 63 su lišena slobode.

Evidentirana su slijedeća krivična djela: - ubistvo iz člana 166. KZ F BiH-a - pet djela (jedno manje), ubistvo u pokušaju – 13 (pet više), teška tjelesna ozljeda – 70 (11 manje), lahka tjelesna ozljeda – 61 (tri manje), učestvovanja u tuči – šest (jedno više), ubistvo u pomaganju, nepružanje pomoći i teška tjelesna ozljeda u pomaganju - po jedno djelo.

Krivična djela **ubistva** iz člana 166. KZFBiH-a - pet djela, izvršena su upotrebom vatrenog oružja - dva puta, udarcima tvrdim predmetom, gušenjem i upotrebom narkotičkih sredstava - po jedno.

Krivična djela **ubistvo u pokušaju** iz člana 166. KZFBiH-a u vezi člana 28. istog Zakona) - 13 djela, izvršena su upotrebom vatrenog oružja - tri puta, upotrebom noža - šest, namjernim udaranjem putničkim-motornim vozilom - tri i udarcima tvrdim predmetom - jedno.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 192 djela (46 više) i to: - ugrožavanje sigurnosti – 175, protupravno lišenje slobode - šest, narušavanje nepovredivosti doma - pet, otmica i neovlašteno optičko snimanje – po dva djela, itd., a zbog izvršenja navedenih djela prijavljeno je 186 lica od kojih je 112 povratnika u činjenju krivičnih djela (ili 60,2%), a 40 je lišeno slobode.

Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka, uznemirujućih telefonskih poziva i sl., bez težih posljedica po oštećena lica.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirano je šest djela (20 manje) i to: silovanje i bludne radnje - po dva djela, iskorištavanje djeteta ili maloljetnika radi pornografije i rodoskvrnuće - po jedno djelo.

Zbog postojanja osnova sumnje da su počinili djela iz ove oblasti podneseni su službeni izvještaji protiv šest lica, od kojih su četiri povratnika, a tri su lišena slobode.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 249 krivičnih djela (22 manje) i to: nasilje u porodici - 238, izbjegavanje izdržavanja - pet, zapuštanje ili zlostavljanje djeteta ili maloljetnika - tri, oduzimanje djeteta ili maloljetnika - dva i izvanbračna zajednica sa mladim maloljetnikom - jedno djelo. Službeni izvještaji podneseni su protiv 248 lica od kojih su 146 povratnika ili 58,9%, a 134 su lišena slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 356 lica, od kojih je 190 povratnik (ili 53,4%), a zbog postojanja osnova sumnje da su počinili 344 krivična djela (32 više) i to:

- neovlašćena proizvodnja i stavljanje u promet opojnih droga – 27 djela,
- posjedovanje i omogućavanje uživanja opojnih droga – 314 djela,
- nesavjesno liječenje - dva i
- neovlašćena proizvodnja i stavljanje u promet opojnih droga u saučiniteljstvu - jedno djelo.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 43 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu ("Marihuanu", „Amfetamin“ „Heroin“, "Hašiš", itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 311 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Zbog zloupotrebe opojnih droga 199 lica je lišeno slobode (17 manje).

S ciljem pronalazjenja narkotičkih sredstava izvršen je pregled 150 lica (64 manje), 51 stambena objekta (21 manje) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

VRSTA OPOJNE DROGE	2016.GODINA	2015. GODINA
Marihuana (u gramima)	7.414,8	19.742,82
Marihuana (paketići)	297	473
Marihuana (JOINT - cigarete)	8	12
Heroin (paketići)	58	94
Heroin (u gramima)	750	629
Amfetamin (paketići)	96	107
Amfetamin (u gramima)	2.273,2	5.623,59
Hašiš (paketići)	---	2
Hašiš (u gramima)	---	1.649,86
Cannabis (stabljike)	1	40
Cannabis (sjemenke)	93	80
Kokain (paketići)	1	---
Kokain (u gramima)	40	---
Ecstasy (tablete)	818	321
Heptanon/Metadon (tablete)	8	10
Heptanon/Metadon (solucija)		3 bočice
Suboxone (tablete)	51	57
Kristal Met (u gramima)	25	---
"MIX" masa za heroin	---	oko 10 kg
Pribor sa ostacima droge (komada)	36	59

Tokom 2016. godine pripadnici Uprave policije sproveli su niz efikasnih akcija na presijecanju "lanaca" trgovine opojnim drogama, što je rezultiralo

zaplijenom veće količine opojnih droga „Marihuane“ – 7,4 kg „Amfetamina“ – 2,2 kg, 818 tableta Ecstasy-ja, itd., te identifikacijom i lišenjem slobode 43 lica iz člana 238. KZ FBiH-a – Neovlašćena proizvodnja i stavljanje u promet opojnih droga.

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovana su 22 krivična djela (12 više) i to: obmana pri dobijanju kredita i drugih pogodnosti u saučiniteljstvu - 11 djela, obmana pri dobijanju kredita i drugih pogodnosti - sedam, prijevara u privrednom poslovanju - tri i zloupotreba ovlasti u privrednom poslovanju - jedno djelo, za čije je izvršenje je prijavljeno 27 lica.

Takođe, od strane službenika Odjeljena za privredni kriminal tokom 2016. godine, zadokumentovana su i krivična djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to:

- krivotvorenje isprave - devet djela,
- zloupotreba položaja ili ovlašćenja - sedam,
- ovjeravanje neistinitog sadržaja i zloupotreba osiguranja - po pet,
- pronevjera u službi - četiri,
- prijevara i nesavjestan rad u službi - po dva djela, itd.,

čijim je izvršenjem nastupila materijalna šteta za pravna lica u iznosu od 898.818,94 KM i za fizička lica u iznosu 25.000,00 KM, što zanači da **ukupna materijalna šteta iznosi 914.818,94 KM.**

Pregled nastale materijalne štete izvršenjem krivičnih djela iz oblasti protiv „privrede“

SUBJEKTI	2016. godina	2015. godina
FIZIČKA LICA	25.000,00 KM	5.506,00 KM
PRAVNI SUBJEKTI	889.818,94 KM	669.934,78 KM i 17.900,00 €
UKUPNO	914.818,94 KM	675.440,78 KM i 17.900,00 €

KRIVIČNA DJELA PROTIV IMOVINE

Broj registrovanih krivičnih djela iz ove oblasti čini 67,2% ukupnog kriminaliteta što je za 3,7% manje u odnosu na 2015. godinu kada su imovinski delikti činili 70,9%. Naime, tokom 2016. godine registrovano je 3.181-no djela što je za 756 ili 19,2% manje u odnosu na 2015. godinu.

Najbrojnija djela iz ove oblasti su: teške krađe – 1.846 (465 manje), krađe – 431 (147 manje), razbojništva – 534 (53 manje), oštećenje tuđe stvari – 138 (30 manje), prijevara – 46 (jedno manje), teška krađa u pokušaju – 38 (34 manje), utaja – 52 (sedam manje), prikriivanje – 23 (pet manje), itd.

Za ukupno 1.585 djela ili 49,8% identifikovani su osumnjičeni izvršioci, što je za 1,5% manje u odnosu na uporednu godinu.

Objekti napada pri vršenju krivičnih djela protiv imovine najčešće su bila motorna vozila (otuđenja motornih vozila i “provale” u ista) – 780 (239 manje), zatim stambeni objekti – 678 puta (26 više), prodavnice i drugi poslovni prostori 300 (21

manje), na ulici 70 (14 manje), itd., pri čemu su otuđivana motorna vozila, novac, nakit, tehnička roba, cigarete, prehrambeni proizvodi, građevinski materijal, kozmetika, željezni i aluminijski profili, ogrijevno drvo, itd.

U toku 2016. godine na području Kantona Sarajevo izvršena su 554 krivična djela teških krađa motornih vozila, od čega su 153 ili 27,6% pronađena i vraćena (od strane policije MUP Kantona Sarajevo vraćeno je 51-no vozilo, MUP-a RS-a – 15, drugih MUP-ova – 11, uz novčanu nadoknadu – četiri i 72 vozila vlasnici su sami pronašli).

U odnosu na uporednu godinu broj otuđenih vozila, znatno je smanjen i to za 174 ili 23,9%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 34 lica (21 manje) od kojih je 27 povratnika (ili 79,4%).

Na području Kantona Sarajevo u 2016. godini registrovana su 534 krivična djela razbojništva (53 ili 9% manje).

Razbojništva su počinjena u prodavnicama i drugim poslovnim prostorima - 236 puta (26 manje), u sportskim kladionicama – 173 (40 manje), na ulici – 144 (17 manje), itd. Navedena djela izvršena su prijetnjom upotrebe i upotrebom vatrenog oružja, ručne bombe i sl. – 222 puta (49 manje), prijetnjom i upotrebom noža ili drugog oštrog predmeta (komad stakla, šarafciger i sl.) – 189 (sedam manje) i upotrebom fizičke snage – 123 puta (tri više).

Ukupno su rasvijetljeno 245 ovih djela ili 45,9%, što je 4% manja rasvijetljenost u odnosu na prethodnu godinu, a za izvršenje je prijavljeno 155 lica (osam manje), od kojih je 120 povratnika (ili 77,4%), a 75 je lišeno slobode (19 manje).

Broj teških krađa na naročito opasan ili naročito drzak način u odnosu na uporednu godinu neznatno je povećan i to za dva ili 1,2%. Naime, evidentirano je 175 ova djela u kojima su izvršioc, upotrebom fizičke snage – 138 puta, te verbalnom prijetnjom u 37 slučajeva, otimali mobitele, novac i nakit.

Ukupno je rasvijetljeno 113 ovih djela ili 64,6%, što je za 1,6% više, a za izvršenje ovih oblika teških krađa, prijavljena su 54 lica (četiri manje), od kojih je 46 povratnika (ili 85,2%), a 29 je lišeno slobode (dva manje).

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 93 djela (71-no manje) i to: izazivanje opće opasnosti – 73 djela, teška krivična djela protiv opće sigurnosti ljudi i imovine - tri, nesavjesno čuvanje pasa i drugih opasnih životinja - 16 i izazivanje opće opasnosti u pomaganju - jedno djelo.

Krivična djela izazivanja opće opasnosti izvršena su 62 puta na otvorenom prostoru, u ugostiteljskom i stambenom objektu - po četiri puta i tri puta u poslovnom objektu. U 27 slučajeva pucano je iz vatrenog oružja, 32 puta je otvorenim plamenom izazvan požar i u 14 slučajeva aktivirana je nepoznata eksplozivna naprava. Posljedica izvršenja navedenih djela je ranjavanje sedam lica, nastala materijalna šteta i uznemirenost građana.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 54 lica, od čega su 32 povratnika, a 25 je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 236 krivičnih djela (13 manje) i to: nasilničko ponašanje - 94 djela, krivotvorenje isprave – 43, nedozvoljeno držanje oružja ili eksplozivnih materija – 39, napad na službenu osobu u vršenju poslova sigurnosti – 31, sprječavanje službene osobe u vršenju službene radnje - sedam, ovjeravanje neistinitog sadržaja – šest, skidanje ili povreda službenog pečata ili znaka - četiri, samovlašće - tri, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 269 lica, od kojih su 154 povratnika ili 57,2%, a 114 je lišeno slobode.

KRIVIČNA DJELA POČINJENA OD STRANE MALOLJETNIH LICA

U toku 2016. godine **prijavljena su 74 maloljetnika** zbog postojanja osnova sumnje da su **izvršili 145 krivična djela**. U poređenju sa 2015. godinom, **broj krivičnih djela** za čije izvršenje su prijavljena maloljetna lica **povećan je za 13 ili 9,8%, a broj prijavljenih maloljetnih učinilaca** ovih djela **povećan je za dva ili 2,7%**.

Pregled broja maloljetnih izvršilaca krivičnih djela za period Januar - Decembar 2016. godine, prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	2	34	38	74

Među maloljetnim učiniocima krivičnih djela, najveći broj je u dobi od 16 do 18 godina (38), dok je povratnika u izvršenju krivičnih djela bilo 23 (ili 31,1%).

Najbrojnija krivična djela su razbojništva (51 ili 35,1%), teške krađe – 26 ili 17,9%, teška krađa na naroč. opasan ili naročito drzak način – 12 ili 8,2%, nanošenje teške tjelesne ozljede, krađa i nasilničko ponašanje – po osam djela, teška krađa u pokušaju – sedam, nanošenje lahke tjelesne ozljede – šest, oštećenje tuđe stvari – četiri, iznuda – tri, nasilje u porodici i razbojništvo u pokušaju – po dva djela, ubistvo u pokušaju, ugrožavanje sigurnosti, posjedovanje i omogućavanje uživanja opojnih droga, razbojnička krađa, iznuda u pokušaju, izazivanje opće opasnosti, teška krivična djela protiv opće sigurnosti ljudi i imovine, ZONDINOM (čl. 52) – po jedno djelo.

Pregled registrovanih krivičnih djela izvršenih od strane maloljetnih lica za period Januar - Decembar 2016./15. godine

Naziv krivičnog djela	2016.	2015.	+ - %
-----------------------	-------	-------	-------

Ubistvo u pokušaju	1	0	1
Teška tjelesna ozljeda	8	4	4
Lahka tjelesna ozljeda	6	3	3
Ugrožavanje sigurnosti	1	1	isto
Neovlašćeno optičko snimanje	0	1	-1
Silovanje	0	1	-1
Prinuda na spolni odnošaj	0	1	-1
Bludne radnje	0	1	-1
Iskorišćavanje djeteta ili maloljetnika radi pornografije	0	2	-2
Nasilje u porodici	2	5	-3
Neovlaš. proizvod. i stav. u promet opojnih droga	0	1	-1
Posjedov. i omoguć. uživanja opoj. droga	1	5	-4
Krađa	8	10	-2
Krađa-pokušaj	0	1	-1
Teška krađa	26	12	14 ili 116,6%
Teška krađa-pokušaj	7	0	7
Teška krađa na naroč. opasan ili naročito drzak način	12	22	-10
Razbojništvo	51	38	13 ili 34,2%
Razbojništvo- pokušaj	2	3	-1
Razbojnička krađa	1	0	1
Utaja	0	2	-2
Oštećenje tuđe stvari	4	4	isto
Iznuda	3	0	3
Iznuda-pokušaj	1	0	1
Izazivanje opće opasnosti	1	3	-2
Teška krivična djela protiv opće sigurnosti ljudi i imovine	1	0	1
Nesavjesno čuvanje pasa i dr. opasnih životinja	0	1	-1
Nasilničko ponašanje	8	9	-1
Nasilničko ponašanje-produženo krivično djelo	0	1	-1
Povreda mira pokojnika	0	1	-1
ZONDINOM (čl. 52)	1	0	1
ukupno	145	132	13 ili 9,8%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO - EKSPLOZIVNIH SREDSTAVA

U toku 2016. godine na području Kantona Sarajevo registrovana su 22 slučaja aktiviranja minsko-eksplozivnih sredstava (sedam ili 31,8% manje u odnosu na isti period 2015. godine). U jednom slučaju je aktiviranjem ručne bombe počinjeno samoubistvo, dok su u drugom slučaju usljed nestručnog rukovanja sa nepoznatom eksplozivnom napravom pronađenom u šumi, teške tjelesne povrede zadobila dva punoljetna lica i jedno dijete, dok su svi ostali slučajevi imali obilježja krivičnog djela izazivanja opće opasnosti. Eksplozije su za posljedicu imale smrt jednog lica (samoubistvo), te materijalnu štetu na stambenim, ugostiteljskim i poslovnim objektima, kao i na putničkim vozilima. Za sada su u sedam slučajeva identifikovani učinioci i protiv njih su preduzete zakonske mjere.

POŽARI

Tokom 2016. godine, na području Kantona Sarajevo registrovano je 115 požara (66 manje) u kojima je jedno lice poginulo, a šest lica povrijeđeno.

Prema statističkim pokazateljima, 57 požara je izazvano namjerno, 14 zbog tehničkih nedostataka, šest je prouzrokovano nehatom, dok uzroci 38 požara spadaju u kategoriju ostalih.

SAMOUBISTVA

U toku 2016. godine na području Kantona Sarajevo registrovano je 40 samoubistava (13 više), koja su izvršena na sljedeće načine: vješanjem – 17 puta, skokom sa visine – osam puta, upotrebom vatrenog oružja – šest puta, utapanjem- tri puta, oštrim predmetom i trovanjem - po dva puta, aktiviranjem ručne bombe i ostalim načinima – po jedan put.

Prema spolu, izvršioци su 28 muškaraca i 12 žena. Starosna dob muškaraca je sljedeća: od 40 do 50 godina – šest lica, od 50 do 60 godina – pet, od 30 do 40 godina i od 60 do 70 godina – po četiri lica, od 70 do 80 godina – tri, od 18 do 24, od 25 do 30 i preko 80 godina – po dva lica. Starosna dob žena je sljedeća: od 50 do 60 godina – četiri, od 30 do 40, od 40 do 50 i od 70 do 80 godina – po dva lica, od 25 do 30 i preko 80 godina – po jedno lice.

JAVNI RED I MIR

Policijski službenici su u toku 2016. godine, zbog raznih oblika narušavanja javnog reda i mira uručili/podnijeli ukupno **6.306** prekršajnih **naloga i zahtjeva** za pokretanje prekršajnog postupka (naloga – 5.143, zahtjeva – 1.163), što u odnosu na 2015. godinu predstavlja **smanjenje za 54 ili 0,84%**.

Prekršajne sankcije preduzete su **protiv 6.611 lica (159 ili 2,3% manje)**.

Prilikom narušavanja javnog reda i mira u periodu Januar - Decembar 2016. godine, u slučajevima kada se radilo o prekršajima, teže povrijeđenih lica je jedno (u uporednom periodu nije bilo), dok je **lakše povrijeđeno 191-no lice** (114 ili 37,3% manje).

Od ukupnog broja prekršajnih sankcija, 5.648 ili 89,5% odnosi se na prekršaje utvrđene Zakonom o prekršajima protiv javnog reda i mira, a 658 ili 10,4% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnosi se 1.138 ili 18% prekršajnih sankcija, 37 na maloljetna lica i 20 na strane državljane.

S obzirom na starosnu strukturu lica protiv kojih su u protekloj godini preduzete prekršajne sankcije (ukupno 6.611), najveći broj je onih starosne dobi preko 36 godina (3.601), zatim starosti između 26 i 35 godina (1.702) i između 19 i 25 godina (1.258), dok je maloljetnih učinilaca prekršaja bilo 50 i oni su javni red i mir narušavali uglavnom tučama.

Najveći broj prekršajnih sankcija preduzeli su policijski službenici Prve policijske uprave - 3.796 ili 60,1% od ukupnog broja, protiv 3.904 lica, zatim Druge policijske uprave -1.063 ili 16,8%, protiv 1.092 lica, Treće policijske uprave -534 ili 8,4%, protiv 534 lica, Četvrte policijske uprave -549 ili 8,7%, protiv 692 lica i Pete

policijske uprave -219 ili 3,4%, protiv 244 lica i Policijski službenici Jedinice za saobraćaj -145 ili 2,2%, protiv 145 lica.

Posmatrano po policijskim stanicama, najveći broj prekršajnih sankcija preduzeli su službenici policijskih stanica Centar (2.242 ili 35,5% od ukupnog broja) i Stari Grad (1.554 ili 24,6%).

Najveći broj prekršajnih sankcija koje su preduzeli službenici policijskih stanica Centar i Stari Grad odnosi se na prekršaje učinjene prosjačenjem (2.592 ili 41,1%), što je rezultat pojačanih aktivnosti na suzbijanju ovog oblika narušavanja javnog reda i mira, koje je najizraženije na području ove dvije općine, posebno u vrijeme turističke sezone, vjerskih i drugih manifestacija.

Prema strukturi prekršaja iz oblasti javnog reda i mira, najbrojnija su **prosjačenja - 3.312** (ili 52,5% od ukupnog broja), zatim **naročito drsko ponašanje - 553** (ili 8,7%), **tuče - 500** (ili 7,9%), i **odbijanje naređenja i omalovažavanje policijskih službenika - 472** (ili 7,4%). Znatno manje prekršaja učinjeno je svađom, vikom i nepristojnim ponašanjem - 130, paljenjem petardi - 13, uživanjem opojne droge na javnom mjestu – pet, te neovlaštenom upotrebom oružja – dva.

Zbog svih ostalih prekršaja preduzeto je 661 prekršajna sankcija. Preostala 658 prekršaja sankcionisana su u skladu sa odlukom općinskih vijeća o javnom redu i miru.

U odnosu na 2015. godinu, smanjen je broj prekršaja koji su učinjeni tučama, naročito drskim ponašanjem, neovlaštenom upotrebom oružja, paljenjem petardi i prosjačenjem, a broj prekršaja uživanjem opojne droge je ostao isti, dok je u svim ostalim slučajevima došlo do povećanja.

Prema mjestu izvršenja, najveći broj prekršaja učinjen je na **ulici i na drugim otvorenim prostorima - 5.708 (ili 90,5%)**, a znatno manje u ugostiteljskim objektima - 335 (ili 5,3%), u trgovinskim i zanatskim radnjama - 27, na sportskim terenima - 22, u školama- 19, vozilima javnog saobraćaja - pet i na ostalim mjestima - 190 prekršaja.

U odnosu na 2015. godinu, u protekloj godini povećan je broj prekršaja koji su registrovani na ulicama i drugim otvorenim prostorima, u ugostiteljskim objektima i u školama i školskim dvorištima, dok je na svim ostalim mjestima došlo do smanjenja.

Pored prekršajnih sankcija zbog prekršaja izvršenih u školama i školskim dvorištima, policijski službenici su zbog krivičnih djela izvršenih na ovom lokalitetu, nadležnom tužilaštvu podnijeli **osam službenih izvještaja** (u istom periodu 2015. godine 15) i to zbog krivičnih djela: nanošenje teške tjelesne povrede-četiri, krađa-dva, iznuda i posjedovanje opojne droge – po jedan.

Policijski službenici su u toku 2016. godine učestvovali u osiguranju 2.539 javnih skupova koji su održani na području Kantona Sarajevo (712 više u odnosu na 2015. godinu), a u 510 slučajeva izvršeno je KDZ osiguranje ovih skupova (93 više). Preduzimane su planske i organizovane aktivnosti kako bi svi skupovi, kao što su sportske, kulturne, vjerske i druge manifestacije, protestna okupljanja građana, kao i skupovi kojima se obilježavaju događaji iz prošlosti, protekli bezbjedno imajući u vidu i održavanje lokalnih izbora, kojom prilikom nisu zabilježeni incidenti.

Održavanje javnih skupova uglavnom je proteklo bezbjedno i bez ozbiljnijih incidenata. Do narušavanja javnog reda i mira došlo je prilikom održavanja fudbalske utakmice između FK Željezničar i FK Sarajevo, 23.07.2016. godine na stadionu SRC Grbavica, na sjevernoj tribini gdje su se nalazili navijači FK Sarajevo. Tom prilikom

je više lica vršilo oštećenje PVC stolica, zaštitne ograde i zaštitnih mreža. Jedno lice je lišeno slobode zbog osnova sumnje da je izvršilo krivično djelo oštećenje tuđe stvari na štetu FK Željezničar.

Policijski službenici MUP-a Kantona Sarajevo su učestvovali u osiguranju manifestacije centralnog programa Dočeka Nove 2017. godine koja je održana na Trgu Bosne i Hercegovine. Tom prilikom nisu zabilježeni slučajevi narušavanja javnog reda i mira.

SAOBRAĆAJ

U toku 2016. godine, stanje sigurnosti saobraćaja karakteriše smanjenje ukupnog broja saobraćajnih nezgoda i nezgoda sa materijalnom štetom, dok je neznatno povećan broj nezgoda sa nastradalim licima. Takođe, povećan je broj poginulih i povrijeđenih lica.

Registровано je 11.367 saobraćajnih nezgoda (108 ili 0,9 % manje), 10.466 sa materijalnom štetom (109 ili 1 % manje) i 901 sa nastradalim licima (jedna ili 0,1 % više).

U saobraćajnim nezgodama na području Kantona Sarajevo 1.240 lica je nastradalo (19 ili 1,5 % više). Dvadeset jedno lice je poginulo (šest ili 40 % više), dok je 1.219 lica povrijeđeno (13 ili 1,1 % više), 199 teže i 1.020 lakše.

Među poginulim licima evidentirano je 11 vozača, osam pješaka i dva putnika.

Od ukupno 1.219 povrijeđenih lica, 546 je vozača (dva više), putnika – 382 (20 manje) i pješaka - 291 (31 više). Kada je u pitanju stepen povreda, 54 vozača su teže, a 492 lakše povrijeđena, 35 putnika je teže, a 347 lakše povrijeđeno, dok je 110 pješaka teže a 181 lakše povrijeđen.

U naselju je registrovano 10.616 saobraćajnih nezgoda (15 sa poginulim, 825 sa povrijeđenim licima i 9.776 sa materijalnom štetom), van naselja 751 nezgoda (četiri sa poginulim, 57 sa povrijeđenim licima i 690 sa materijalnom štetom).

Registrovane su 2.903 saobraćajne nezgode na raskrsnicama u naselju, 242 na raskrsnicama van naselja, 61 na pješačkom prelazu, 27 na nadvožnjaku, devet na mostu, šest na podvožnjaku, dvije na prelazu preko željezničke pruge i 8.117 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo
2016./2015.godina

	2016.	2015.	+,-,%
- UKUPNO SAOBRAĆAJNIH NEZGODA	11.367	11.475	- 108 ili 0,9 %
Saobraćajne nezgode sa nastradalim licima	901	900	+ 1 ili 0,1 %
Saobraćajne nezgode sa materijalnom štetom	10.466	10.575	- 109 ili 1 %
POGINULO LICA	21	15	+ 6 ili 40 %
- vozači	11	8	+ 3 ili 37,5 %
- putnici	2	0	+ 2
- pješaci	8	7	+ 1 ili 14,3 %
POVRIJEĐENO LICA	1.219	1.206	+ 13 ili 1,1 %
- vozači	546	544	+ 2 ili 0,4 %
- putnici	382	402	- 20 ili 5 %
- pješaci	291	260	+ 31 ili 11,9 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 237 lica, od 25 do 30 godina – 181 lice, od 51 do 65 godina – 168 lica, od 21 do 24 godine- 162 lica, od 41 do 50 godina – 158 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 9.554 (15 lica poginulo i 789 povrijeđeno), neprilagođena brzina- 1.633 (pet lica poginulo i 386 lica povrijeđeno), uticaj alkohola – 145 (jedno lice poginulo i 40 lica povrijeđeno), klizav put – 31 (bez nastradalih lica), uticaj opojnih droga – dvije (četiri lica povrijeđena), oštećenje puta i odron na putu – po jedna saobraćajna nezgoda (bez nastradalih lica).

Evidentirana je 441 saobraćajna nezgoda (pet više) u kojima su učestvovali inostrani vozači i 44 saobraćajne nezgode (sedam više) u kojima su učestvovala vozila međunarodnih organizacija (bez nastradalih lica).

U sklopu redovnih aktivnosti, službenici policije su kontrolisali ukupno 283.985 vozila (34.070 više).

Zbog tehničke neispravnosti, iz saobraćaja su isključena 824 vozila (850 manje), 4.540 vozača je zatečeno da upravljaju vozilom pod dejstvom alkohola (660 više), 8.070 bez korištenja sigurnosnog pojasa (1.965 više), 3.127 bez položenog vozačkog ispita (263 više), a 2.942 vozača su učestvovala u saobraćaju bez važeće registracije (505 više).

Zbog kršenja propisa iz oblasti sigurnosti saobraćaja uručena je 231.553 prekršajna naloga vozačima (40.129 više), podneseno 785 zahtjeva za pokretanje prekršajnog postupka (35 manje) i registrovano 101 krivično djela zbog ugrožavanja sigurnosti javnog prometa (12 više).

MIRUJUĆI SAOBRAĆAJ I KONTROLA PJEŠAKA

Tokom 2016. godine, pripadnici Uprave policije su uručili 97.751 prekršajni nalog vozačima koji nisu poštivali saobraćajne propise prilikom parkiranja (19.072 više u odnosu na 2015. godinu), upozorili 5.740 vozača (629 više), a specijalnim vozilom „pauk“ su premjestili 2.612 vozila (38 manje). Zahtjeva za pokretanje prekršajnog postupka nije bilo.

Takođe, upozoreno je 2.236 pješaka (986 više) i uručeno 5.787 prekršajnih naloga pješacima (4.708 više). Zahtjeva za pokretanje prekršajnog postupka nije bilo.

ZAKONITOST U RADU

Tokom 2016. godine, registrovan je 31 napad na policijske službenike (13 više). U napadima je učestvovalo 37 punoljetnih i jedno nepoznato lice.

Policijski službenici su tokom izvještajnog perioda 59 puta opravdano upotrijebili silu (18 više).

U toku 2016. godine, razmatrano je 325 predstavki, među kojima je za 114 predstavki (23 više) data saglasnost za sprovođenje unutrašnjih istraga, za 207 predstavki je donesen zaključak da su neosnovane, u dva slučaja stranka je odustala od žalbe, u jednom slučaju je dostavljena obavijest policijskoj upravi, dok je u jednom slučaju proširena istraga.

Postupano je po 16 predstavki iz ranijeg perioda, tako da je rješavano ukupno 130 predstavki (pet više).

Okončano je 115 unutrašnjih istraga, među kojima je 50 bilo bez dovoljno dokaza, 31 istraga je osnovana, 21 neosnovana, u devet slučajeva stranke su odustale od žalbe, u tri slučaja predstavke su oslobađajuće, dok je u jednom slučaju postupak obustavljen.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U 2016. godini evidentirana su 84 krivična djela koja su regulisana Zakonom o nabavljanju, držanju i nošenju oružja i municije (24 manje), počinjena od strane 91-nog lica, od kojih su 42 lišena slobode.

Od strane Policijskih uprava fizičkim licima izdato je 1.137 odobrenja za nabavku vatrenog oružja (64 više), 1.309 oružnih listova (189 manje) i izvršeno 168 zamjena oružnih listova za fizička lica (tri više).

U sklopu aktivnosti na oduzimanju nelegalno posjedovanog oružja i drugih predmeta oduzeto je: 29 pušaka, jedno "teško oružje", 72 pištolja, 202 komada „noževa, mačeva, sablji, bajoneta i sl.“, 11 ručnih bombi, 13 boksera, 3.551 kom. municije različitog kalibra, 4.923 komada petardi, itd.

RAD POLICIJE U ZAJEDNICI

U okviru Rada policije u zajednici u toku 2016. godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

POSLOVI UPRAVE ADMINISTRACIJE I PODRŠKE

U okviru utvrđene organizacije Uprave, poslovi iz nadležnosti organizacionih jedinica vrše se u skladu sa Pravilnikom o unutrašnjoj organizaciji Ministarstva unutrašnjih poslova Kantona Sarajevo i utvrđenih radnih mjesta koja obavljaju državni službenici i namještenici.

Odjeljenje putnih isprava

U izvještajnom periodu ukupno je izdato 77.783 pasoša.
(11,9% više u odnosu na period januar – decembar 2015. godine kada je izdato 69512 pasoša)

Lične karte 37.432

(18,7% manje u odnosu na period januar-decembar 2015. godine – 46044 LK)

Vozačke dozvole 26.205

(17,8% manje u odnosu na period januar-decembar 2015. godine – 31863 VD)